

六度波羅蜜~《大乘理趣六波羅蜜多經》

- **六度波羅蜜 - 修行要道**
- 應於自身聽聞正法精勤誦持。
- 應常安住如是六種波羅蜜多。精進修行降伏心意攝護六根。由此勢力疾證無上正等菩提。是名菩薩摩訶薩。
- **六波羅蜜 - 何故先說檀波羅蜜**
- 云何名為六種波羅蜜多。所謂布施持戒忍辱精進禪定智慧。
- Q.何故先說檀波羅蜜? A.最易修習是故先說。
- 一切有情無有不能行布施者。若藥叉若羅刹師子虎狼。及諸獄卒屠兒魁膾。此等眾生於有情中**極為暴惡**。尚能離慳而行布施。云何布施。所謂養育男女慈念乳哺。然此眾生雖不能知福利之事。以憐愛故令得色力壽命安樂。離飢渴苦亦名布施。
- **六波羅蜜 - 先說檀波羅蜜**
- 菩薩摩訶薩亦復如是。見諸有情貧窮所逼。不能發起無上信心。修行大乘種種事業。先施一切衣服飲食。房舍臥具病瘦醫藥令心安樂。然後令發無上正等覺心。修行大乘種種事業。以是義故六度彼岸布施為門。
- **六波羅蜜 - 三種施**
- 施有三種。一者少施二者大施三者第一義施。言小施者謂以種種飲食衣服諸莊嚴具。財寶象馬庫藏倉廩。城邑聚落園林屋宅。及轉輪王所有樂具。而行布施是名小施。
- 二大施者輪王所愛。后妃眷屬及與己身。以施乞者是名大施。
- 三第一義施者能以身命而行布施。以無所得心相應故名為第一義施。菩薩摩訶薩以是三種而行布施。是故名為檀波羅蜜
- **六波羅蜜 - 兩種田**
- 有二種田云何為二。一者悲田謂諸孤露貧窮困苦。二者敬田謂佛法僧父母師長。
- 於悲田所不應輕賤言無福田。於敬田所不應求報。
- 以大悲心無所分別。等施一切名真施也。又布施者勿起希求。而於財物不能捨離。或被官逼奪而行布施。或畏損失而行布施。於三寶所不得輕慢。應生尊重不自稱說而行布施。……若於敬田不生恭敬。將所厭物而施與之不名為施。……善男子夫行施者。不應分別。隨其所有來即與之。是即名為檀波羅蜜。
- **六波羅蜜 - 淨戒波羅蜜多 (修行三障)**
- 然修行時有三大障。一者瞋恚二者慳貪三者染欲。
- 其**瞋恚者**能退悲心。大悲心者一切菩提行之根本。以悲力故於夢寐中不生殺想。沉寤時斷命食肉。
- 其**慳貪者**不能捨施。於己財物常生慳惜。於他財寶恒起貪求。是故菩薩摩訶薩。見他財物如覩毒蛇不生貪著。
- 其**染欲者**非清淨行。應當遠離五欲淤泥。然此貪欲諸苦根本。六波羅蜜之大障也。復能燒滅菩提之心。
- **六波羅蜜 - 淨戒波羅蜜多 (身三)**
- 復次菩薩摩訶薩離三障已。應當修習十種淨戒。云何為十。所謂身三淨戒口四淨戒意三淨戒。
- 言身三者離殺盜淫。云何不殺。若見有情被損害時應以悲心往救其命。或以資財贖令得脫。設不免者以身代之。何況自殺。

- **不偷盜者**。菩薩摩訶薩於他財物。乃至夢中不生盜想。況於寤而起盜心。應於自財以清淨心。無所吝惜常行惠施。亦勸他人離不與取。恒行布施波羅蜜多。
- **離染欲者**。菩薩摩訶薩應當遠離五欲境界。亦為有情說欲過失。復令眾生離欲邪行。
- **六波羅蜜 - 淨戒波羅蜜多 (口四)**
- 言口四者。謂離虛誑離間離惡及無義語。云何
- 虛誑。謂不見言見見言不見。聞覺知等亦復如是於此虛誑皆捨離之。作真實語名離妄語。
- 離間者。於彼說此於此說彼令生乖諍。若能離此常和合語。是則名為遠離間語。
- 離惡語者。謂出惡言令彼熱惱。所不欲聞而令聞之。若能離此常以軟語令彼適悅。是則名為離離惡語言。
- 無義語者以染欲心戲弄談謔。乃至邪論皆無義利。若能離此為益有情實語時語。是則名為離無義語。
- **六波羅蜜 - 淨戒波羅蜜多 (意三)**
- 意不善業。亦有三種謂貪瞋癡。
- 離貪嫉者。見他尊貴多饒財寶起嫉妬心。應正思惟作如是念。願一切有情得大富貴無所乏少。是諸有情勤苦艱難今乃獲得。云何於彼生嫉妬心。我於己財皆應奉彼。況彼自獲我應隨喜。云何乃反生嫉妬耶。以是因緣於彼有情。不應嫉妬但生隨喜。若能如是除貪嫉者。是名菩薩持心淨戒。
- **六波羅蜜 - 淨戒波羅蜜多 (意三)**
- 離瞋害者。若菩薩摩訶薩被諸有情諸惡誣謗。無故打罵斷截支節。菩薩於彼離瞋害心。作是思惟我已發願。於諸有情不起瞋害。云何今日乃發是心。又我昔願常以法藥。蠲除有情瞋害之病。若於眾生起瞋害者。自疾不能救何能救彼一切有情。復次若諸有情瞋菩薩時深自剋責以我有過。福德鮮薄令他生瞋。我若無過彼必不瞋
- **六波羅蜜 - 淨戒波羅蜜多 (意三)**
- 我昔誓願願與一切眾生除瞋害病。云何今日不為斷除此等眾生。常為惡魔之所執縛不自覺知。以大猛火之所焚燒既被魔執。設持利刀來殺害我。我知魔鬼不應生瞋。當於是人生大悲愍。
- 復次離邪見者。一切眾生皆有邪見極為深厚。菩薩大悲以正見炬。作大照明令見三寶又於佛法眾僧所有功德深生信樂。一切外道一切眾魔作障礙者。不能破壞正見之心。於大乘行無能退屈
- **六波羅蜜 - 淨戒非波羅蜜多**
- 復次慈氏有是淨戒非波羅蜜多取相持戒。不為最勝之所攝受。但名淨戒非波羅蜜多。何以故但獲三界有漏果報。壽盡無故。若普為一切眾生護持禁戒。觀第一義空無我人相。而為有情護持禁戒。是則名為淨戒波羅蜜多
- **六波羅蜜 - 安忍波羅蜜多**
- 以信進念定慧而為樹林。以淨戒為枝葉。於此林內瞋火熾起。焚戒枝葉無由撲滅。以安忍雨而得滅除。
- 氏猶如有人。為護子故造作呪術。令諸惡鬼不得侵害。菩薩亦爾用安忍呪護諸眾生。瞋等怨賊無能損害。復次慈氏譬如有人為刺刺腳欲以諸皮遍覆大地。於上遊行免有憂患。智者問曰汝所求皮欲作何事。此人具報如上因緣。智者訶云咄哉愚人不應如是。但以少皮用充革履。足得行李不被損傷。何用多皮覆於大地。凡夫眾生亦復如是。遍造怨害。持刀欲殺大地怨家。菩薩見之深生悲愍。但以安忍而為革履護汝身

心。何有眾怨持刀遍害。是則名為安忍波羅蜜多

● **六波羅蜜 - 安忍波羅蜜多**

- 譬如有人以毒惡言種種毀罵。菩薩聞之不應卒暴而起瞋心。當觀察之如是罵者為是誰耶。受毀罵者復是誰耶。彼此二身各十二處。眼處見色耳處聞聲。鼻處嗅香舌處嘗味。身處覺觸意處知法。而是眼處實非是我。若非我者自他眼處誰過失耶。若有過者應須治罰。如是觀察俱無過失。既無過失誰受誰罵而瞋恚耶。如是觀察乃至法處亦復如是。十二處外更無一物。罵者受者二俱是空。以此思惟瞋心頓息。

● **六波羅蜜 - 精進波羅蜜多**

- 有四種精進。云何為四。所謂未生不善能令不生。已起不善速令除滅。未生之善當令速生。已起之善能令增長。
- 懈怠眾生。所修事業功力微少。猶如水滴不至大海。懈怠之人亦復如是。不能得至無上菩提。譬如有人手足俱無。行住坐臥不得隨心。乃至微小作業皆不成就。如是之人豈能越渡江河大海。懈怠眾生無精進足亦復如是。此懶惰人於家事業尚無所成。豈有慈悲具修戒慧。能度有情出於火宅。修行菩薩六波羅蜜菩提資糧。菩薩摩訶薩以精進波羅蜜多而為船筏。三無數劫福智所成。與諸有情同乘此船。超越生死大海彼岸。

● **六波羅蜜 - 精進波羅蜜多**

- 次精進之人護持淨戒。不為懶惰之所攝受。速能圓滿淨戒波羅蜜多。復次精進之人善能安忍。怨親平等無有二心。速能圓滿安忍波羅蜜多。復次精進之人勇猛不退被精進甲。大慈大悲恒不捨離。速能圓滿精進波羅蜜多。復次精進之人勤修靜慮。於三摩地安住不動。速能圓滿禪波羅蜜多。復次精進之人多聞智慧。諷誦無倦而無懶息。速能圓滿般若波羅蜜多。然此般若波羅蜜多甚深大海。一切聲聞獨覺及諸菩薩。無有方便而能測量。唯有精進波羅蜜多而能究盡。

● **六波羅蜜 - 靜慮波羅蜜多**

- 捨此身命時 如棄於土木 親戚皆相離 唯禪定隨逐
- 譬如毒蛇置竹筒內其身自直。菩薩亦爾妄想迴曲。置靜慮中正見端直。不住生死不入涅槃離諸邪曲。若能如是善攝六根不令放逸。眼雖見色而不取相。安住甚深寂靜解脫。耳鼻舌身意亦如是。恒以正智觀察思惟。

● **靜慮與四無量心(慈悲喜捨)**

- 復次慈氏慈有三種。一眾生緣慈。二法緣慈。三無緣慈。云何眾生緣慈。若初發心遍觀有情起大慈心。云何法緣慈。若修行時。觀一切法。名法緣慈。云何無緣慈。得無生忍。無有二相名無緣慈。慈氏當知此即菩薩摩訶薩。住真法界大慈心也

● **六波羅蜜 - 靜慮波羅蜜多**

- 復次慈氏慈有三種。一眾生緣慈。二法緣慈。三無緣慈。云何眾生緣慈。若初發心遍觀有情起大慈心。云何法緣慈。若修行時。觀一切法。名法緣慈。云何無緣慈。得無生忍。無有二相名無緣慈。慈氏當知此即菩薩摩訶薩。住真法界大慈心也

● **六波羅蜜 - 般若波羅蜜多**

- 若諸菩薩修行布施波羅蜜多。乃至靜慮波羅蜜多。皆從般若波羅蜜多。本母所生而為根本。譬如眼等五根發生五識。能取五塵皆有作用。如是一一皆以識心而為根本。若離其心無所成辦。菩薩摩訶薩修前五種波羅蜜多。恒以智慧而為其母。若離智慧無所剋獲。

● **六波羅蜜 - 般若波羅蜜多**

- 若無真智慧 多聞妄分別
- 斯人不解義 如器安知味
- **六波羅蜜 - 般若波羅蜜多**
- 復次慈氏有十種事能障智燈。掩蔽光明不能顯了。增長癡闇無所覺知。一者懶惰。於世事業皆不成就。豈能修行出世妙善。二者近惡知識。造諸惡業增長無明。三者耽著睡眠。身心昏昧不能修習無上菩提。四者聽聞大乘尋復忘失。五者樂習世間一切技藝。不知如幻而生執著。六者我慢覆藏雖遇善友。不能諮問無上正法。七者於大乘教微妙深理不能解悟。我慢自高便生退屈。八者恥己愚昧不能親近有智之人。九者攻乎異端詐謂知見。有所論難皆涉邪徒。十者於最上乘不生信樂。設有所聞師心邪解。由是十事障礙大乘。正法不聞淪溺生死。
- **六波羅蜜 - 般若波羅蜜多**
- 有十勝法。便能悟入無上菩提。一者精勤樂習禪定。二者親近善友聽聞正法。三者損減睡眠恒自覺悟。四者於大乘法所聞不忘。五者順世事業常觀如幻無所著故。六者無所藏隱決眾疑故。七者不輕己身勤修行故。八者常樂法施興大會故。九者恒自謙下不誑眾生故。十者不自師心深入佛慧
- 故。菩薩摩訶薩以此十事具足圓滿六波羅蜜。成就法身清淨解脫

- **六波羅蜜~ 《大智度論》**
- **六波羅蜜 - 掃除道**
- 大乘佛教中菩薩欲成佛道所實踐之六種德目
- 布施、持戒、忍辱、精進、禪定、般若
- 斷結清淨：斷結有兩種
 - 一、斷三毒心，不著人天五欲
 - 二、雖不著人天五欲，於菩薩功德果報五欲未能捨離。
- 菩薩雖斷結使。十地未滿。未莊嚴佛土。未教化眾生。是故行般若波羅蜜
- **六波羅蜜 - 渡河資糧**
- 如何行六波羅蜜？
- 住而不取相
- 菩薩住般若波羅蜜中其他五波羅蜜具足
- **布施-布施利益**
- 檀為破苦。能與人樂。檀為善御。開示天道。檀為善符。攝諸善人。檀為安隱。臨命終時。心不怖畏....檀破貧窮。斷三惡道。檀為涅槃之初緣。
- 生死輪轉。往來五道。無親可恃。唯有布施。.....布施之福。是涅槃道之資糧
- 譬如失火之家，黠慧之人，明識形勢，及火未至，急出財物；舍雖燒盡，財物悉在，更修室宅。好施之人，亦復如是，知身危脆，財物無常，修福及時，如火中出物；後世受樂，
- 復次，大人小心，能大布施，能自利己；小人小心，不能益他，亦不自厚。復次，譬如勇士見敵，必期吞滅；智人慧心，深得悟理，慳賊雖強，亦能挫之，必令如意。遇良福田(富、窮)，值好時節(時：應施之時也。遇而不施是名失時)，覺事應心，能大布施。
- 云何名檀
- 檀名布施。心相應善思。是名為檀。
- 有信、有福田、有財物，三事和合時，心生捨法，能破慳貪，是名為檀。
- 施有兩種：淨與不淨
- 不淨施者，愚痴施無所分別，或有為求財故施，或愧(羞辱)人故施，或為嫌責(不耐煩、不得已)故施，或畏懼故施，或欲取他意故施，或畏死故施，或狂人令喜故施，或自以富貴故應施，或諍勝故施，或妒瞋故施，或憍慢自高故施，或為名譽故施，或為咒願故施，或解除衰求吉故施，或為聚眾故施，或輕賤不敬施。如是等種種，名為不淨施。
- 淨施者，與上相違，名為淨施。復次，為道故施，清淨心生，無諸結使，不求今世後世報，恭敬憐愍故，是為淨施。淨施是趣涅槃道之資糧，是故言為道故施。若未得涅槃時，施是人天報樂之因。淨施者；如華瓔珞，初成未壞，香潔鮮明；為涅槃淨施，得果報香，亦復如是。
- 云何名檀波羅蜜滿？
- 渡布施河得到彼岸。(字面義)
- 譬如渡河未到而還，名為不到彼岸。如舍利弗於六十劫中行菩薩道，欲渡布施河。時有乞人來乞其眼.....「如此弊人等，難可度也！眼實無用而強索之，既得而棄，又以腳蹋，何弊之甚！如此人輩，不可度也。不如自調，早脫生死。」思惟是已，於菩薩道退，迴向小乘，是名不到彼岸。

- 此岸名慳貪，檀名河中，彼岸名佛道。
- 云何名檀波羅蜜滿？(真實義)
- 如凡夫人見施者、見受者、見財物，是為顛倒妄見，生世間受樂，福盡轉還。是故佛欲令菩薩行實道，得實果報，實果報則是佛道。佛為破妄見故，言三事不可得，實無所破。何以故？諸法從本已來，畢竟空故。如是等種種無量因緣，不可得故，名為檀波羅蜜具足滿。
- 復次，若菩薩行檀波羅蜜，能生六波羅蜜，是時，名為檀波羅蜜具足滿。
- 布施之報，其心調柔；心調柔故，能生持戒；能生持戒故，從不善法中能自制心。
- 菩薩布施時，受者逆罵，若大求索，若不時索，或不應索而索。是時，菩薩自思惟言：「我今布施，欲求佛道，亦無有人使我布施。我自為故，云何生瞋？」如是思惟已，而行忍辱，是名布施生羸提波羅蜜。
- 菩薩布施時，常行精進。何以故？菩薩初發心時，功德未大，爾時，欲行二施，充滿一切眾生之願。以物不足故，懃求財、法，以給足之。
- 如釋迦文尼佛本身，作大醫王，療一切病，不求名利，為憐愍眾生故。病者甚多，力不周救，憂念一切而不從心，懊惱而死，即生忉利天上。自思惟言：「我今生天，但食福報，無所長益。」即自方便，自取滅身，捨此天壽。生婆伽陀龍王宮中為龍太子。其身長大，父母愛重，欲自取死，就金翅鳥王，鳥即取此龍子於舍摩利樹上吞之。父母嗥咷，啼哭懊惱。龍子既死，生閻浮提中為大國王太子，名曰能施。生而能言，問諸左右：今此國中有何等物，盡皆持來以用布施！眾人怪畏，皆捨之走。
- 「若我當成佛道、度脫一切者，珠當如我意願，出一切寶物，隨人所須，盡皆備有！」是時，陰雲普遍，雨種種寶物，衣服、飲食、臥具、湯藥，人之所須，一切具足。至其命盡，常雨不絕。如是等，名為菩薩布施生精進波羅蜜。
- 菩薩布施時，能除慳貪。除慳貪已，因此布施而行一心，漸除五蓋；能除五蓋，是名為禪。
- 菩薩布施時，知此布施必有果報而不疑惑，能破邪見無明，是為布施生般若波羅蜜。
- **持戒**
- 戒為一切善法住處。惡止不更作是名為戒
- **持戒功德**
- 若人雖不出家，但能修行戒法，亦得生天。若人持戒清淨，行禪、智慧，欲求度脫老、病、死苦，此願必得。持戒之人，雖無兵仗，眾惡不加；持戒之財，無能奪者；持戒親親，雖死不離；持戒莊嚴，勝於七寶。以是之故，當護於戒，如護身命，如愛寶物。
- 一切寶中，人命第一；人為命故求財，不為財故求命。
- 於無量眾生中，已以所愛重物施與，所得功德亦復無量。如佛說：「有五大施，何等五？一者、不殺生，是為最大施；不盜、不邪淫、不妄語(羅睺羅)、不飲酒，亦復如是。」
- **云何持戒能生於檀？**
- 檀有三種：一者、財施，二者、法施，三者、無畏施。持戒自檢，不侵一切眾生財物，是名財施。眾生見者，慕其所行，又為說法，令其開悟。又自思惟：我當堅持淨戒，與一切眾生作供養福田，令諸眾生得無量福。如是種種，名為法施。一切眾生皆畏於死，持戒不害，是則無畏施。

- **云何持戒能生於忍辱？**
- 持戒之人心自念言：「我今持戒為持心故。若持戒無忍，當墮地獄；雖不破戒，以無忍故，不免惡道；何可縱忿不自制心？但以心故人三惡趣。是故應當好自勉強，懃修忍辱。」
- 唯當忍辱，眾戒自得
- **云何持戒能生於精進？**
- 持戒之人，疲厭世苦老、病、死患，心生精進，必求自脫，亦以度人。唯當忍辱，眾戒自得
- 譬如野干在林樹間，依隨師子及諸虎豹，求其殘肉以自存活。有時空乏夜半踰城深入人舍，求肉不得，屏處睡息，不覺夜竟；惶怖無計，走則慮不自免，住則懼畏死痛；便自定心，詐死在地。眾人來見，有一人言：「我須野干耳」，即便截取。野干自念：「截耳雖痛，但令身在。」次有一人言：「我須野干尾」，便復截去。野干復念：「截尾雖痛猶是小事。」次有一人言：「我須野干牙。」野干心念：「取者轉多，儻取我頭，則無活路。」即從地起奮其智力，絕踊間關，徑得自濟。行者之心，求脫苦難，亦復如是：若老至時，猶故自寬，不能懃懃決斷精進；病亦如是，以有差期，未能決計；死欲至時，自知無冀，便能自勉，果敢懃懃，大修精進，從死地中畢至涅槃。
- **云何持戒能生於禪定？**
- 行者持戒。棄捨世福。心不放逸。是故易得禪定。
- **云何持戒能生於般若？**
- 持戒之人，觀此戒相從何而有，知從眾罪而生；若無眾罪，則亦無戒。戒相如是，從因緣有，何故生著？譬如蓮華出自污泥，色雖鮮好，出處不淨；以是悟心，不令生著，是為持戒生般若波羅蜜。
- 以智慧籌量，心不著戒，無取、無捨，是為持戒生般若波羅蜜。
- **忍辱**
- **【經】**「心不動故，應具足羸提波羅蜜。」
- 忍辱有二種：生忍，法忍。菩薩行生忍，得無量福德；行法忍，得無量智慧。福德、智慧二事具足故，得如所願；譬如人有目、有足，隨意能到。
- 菩薩若遇惡口罵詈，若刀杖所加，思惟知罪、福業因緣諸法，內、外畢竟空，無我、無我所，以三法印、印諸法故，力雖能報，不生惡心，不起惡口業
- 云何名生忍？
- 有二種眾生來向菩薩：一者、恭敬供養，二者、瞋罵打害。爾時，菩薩其心能忍，不愛敬養眾生；不瞋加惡眾生。是名生忍。
- 答曰： 有二種結使：一者、屬愛結使，二者、屬恚結使。恭敬、供養雖不生恚，令心愛著，是名軟賊。(提婆達多)
- 行者常行慈心，雖有惱亂逼身，必能忍受。
- 譬如藥師療治眾病，若鬼狂病，拔刀罵詈，不識好醜，醫知鬼病，但為治之而不瞋恚；菩薩若為眾生瞋惱罵詈，知其為瞋恚者煩惱所病，狂心所使，方便治之，無所嫌責，亦復如是。
- 菩薩思惟：「若眾生瞋惱加我，我當忍辱。若我不忍，今世心悔，後入地獄，受苦無量；若在畜生，作毒龍、惡蛇、師子、虎、狼；若為餓鬼，火從口出。譬如人被火燒，燒時痛輕，後痛轉重。」

- 復次，當觀瞋恚，其咎最深。三毒之中，無重此者.....九十八使中，此為最堅；諸心病中，第一難治。瞋恚之人，不知善，不知非善；不觀罪福，不知利害；不自憶念，當墮惡道。
- 瞋覆慧眼，專行惱他。復次，瞋恚之人，譬如虎狼，難可共止；又如惡瘡，易發、易壞。瞋恚之人，譬如毒蛇，人不[喜/心]見。積瞋之人，惡心漸大，至不可至，殺父、殺君，惡意向佛。
- **精進**
- 布施、持戒、忍辱，是大福德，安隱快樂，有好名譽，所欲者得；既得知此福利之味，今欲增進，更得妙勝禪定、智慧。譬如穿井已見濕泥，轉加增進必望得水；又如鑽火，已得見煙，倍復力勵，必望得火。
- 欲成佛道，凡有二門：一者、福德，二者、智慧。行施、戒、忍是為福德門；知一切諸法實相，摩訶般若波羅蜜，是為智慧門。
- **禪定**
- 禪定名攝諸亂心。亂心輕飄，甚於鴻毛；馳散不停，駛過疾風；不可制止，劇於獼猴；暫現轉滅，甚於掣電。心相如是不可禁止，若欲制之，非禪不定。
- 以禪定清淨故，智慧亦淨；譬如油炷淨故，其明亦淨。
- **般若**
- **經】**「於一切法不著故，應具足般若波羅蜜。」
- 般若波羅蜜，實法不顛倒，念想觀已除，言語法亦滅。
- 無量眾罪除，清淨心常一，如是尊妙人，則能見般若。
- 如虛空無染，無戲無文字，若能如是觀，是即為見佛。
- 若如法觀佛，般若及涅槃，是三則一相，其實無有異。
- 諸佛及菩薩，能利益一切，般若為之母，能出生養育。
- 佛為眾生父，般若能生佛，是則為一切，眾生之祖母。
- 般若是一法，佛說種種名，隨諸眾生力，為之立異字。
- 若人得般若，議論心皆滅；譬如日出時，朝露一時失。
- 般若之威德，能動二種人：無智者恐怖，有智者歡喜。
- 若人得般若，則為般若主，般若中不著，何況於餘法！
- 般若無所來，亦復無所去，智者一切處，求之不能得。
- 若不見般若，是則為被縛；若人見般若，是亦名被縛。
- 若人見般若，是則得解脫；若不見般若，是亦得解脫。
- 是事為希有，甚深有大名，譬如幻化物，見而不可見。
- 諸佛及菩薩，聲聞辟支佛，解脫涅槃道，皆從般若得。
- 言說為世俗，憐愍一切故，假名說諸法，雖說而不說。
- 般若波羅蜜，譬如大火燄，四邊不可取，無取亦不取，
- 一切取已捨，是名不可取，不可取而取，是即名為取。
- 般若無壞相，過一切言語，適無所依止，誰能讚其德？
- 般若雖叵讚，我今能得讚，雖未脫死地，則為已得出！